



Broj: 13-11-4-2420/24

Datum: 15.05.2024. godine

Na osnovu člana 70. stav (4) Zakona o javnim nabavkama ("Službeni glasnik Bosne i Hercegovine" broj 39/14, 59/22), člana 146. Statuta Općine Novo Sarajevo ("Službene novine Kantona Sarajevo", br. 5/20 - prečišćeni tekst i 20/20 - ispravka), a na prijedlog Komisije za javnu nabavku roba, radova i usluga, Općinski načelnik d o n o s i

## ODLUKU o poništenju postupka javne nabavke

### I

Poništava se postupak javne nabavke „Opremanje igrališta“.

### II

Za izvršenje ove Odluke zadužuje se Služba za komunalne i stambene poslove i saobraćaj.

### III

Odluka o poništenju postupka javne nabavke objavit će se na web stranici [www.novosarajevo.ba](http://www.novosarajevo.ba), u skladu sa članom 70. stav (6) i članom 71. Zakona o javnim nabavkama Bosne i Hercegovine.

## Obrazloženje

Postupak javne nabavke proveden je putem otvorenog postupka javne nabavke, a pokrenut je na osnovu Odluke Općinskog načelnika broj: 13-11-4-2420/24 od 12.03.2024. godine.

Procijenjena vrijednost javne nabavke sa PDV-om je: 50.000,00 KM (slovima: pedesethiljada i 00/100 konvertibilnih maraka).

Obavještenje o javnoj nabavci broj 935-1-3-65-3-149/24 od 03.04.2024. godine.

Komisija za javnu nabavku roba, radova i usluga je imenovana Rješenjem Općinskog načelnika broj: 01-30-5-8227/23 od 17.10.2023. godine, te Rješenjem o izmjenama Rješenja broj: 01-30-5-8227-1/23 od 06.02.2024. godine.

Iz Zapisnika sa otvaranja ponuda vidljivo je da su do dana 24.04.2024. godine, pristigle ponude slijedećih ponuđača:

Red. broj	Naziv i sjedište ponuđača	Ukupna ponuđena cijena sa PDV-om
1.	FLEX INVEST d.o.o.	49.997,61 KM
2.	BABEL d.o.o.	49.999,95 KM

Iz Zapisnika o pregledu i ocjeni ponuda Komisije za javne nabavke roba, radova i usluga je vidljivo da se Komisija sastala dana 09.05.2024. godine, radi pregleda i ocjene prispjelih ponuda, te je konstatovala slijedeće:

Ponude ponuđača FLEX INVEST d.o.o. i BABEL d.o.o. su neprihvatljive iz razloga jer su nepotpune i ne ispunjavaju zahtjeve tenderske dokumentacije. U skladu sa tačkom 7.4.1. tenderske dokumentacije ponuđač je tražio potvrdu o uspješnoj realizaciji ugovora čija je složenost ista ili slična predmetu nabavke – koji se odnose na armirano betonske radove. Ponude ponuđača nisu sadržavali potvrde o uspješnoj realizaciji ugovora u kojima se navodi da se odnose na armirano betonske radove, te u skladu sa tim nisu dokazali svoju tehničku i profesionalnu sposobnost, te se iste smatraju neprihvatljivim.

Također, ponuda ponuđača FLEX INVEST d.o.o. u sklopu Kataloške dokumentacije/ brošura / deklaracija proizvođača predmetnih roba vidljivo ponuđena stavka (stranica ponude 113.) ne odgovara opisu stavke u sklopu Obrasca za cijenu ponude – Aneks 3 (stranica 23, tenderske dokumentacije), tačka 3. PARK IZA DRVOTEHNIČKE ŠKOLE – VILSONOVO ŠETALIŠTE, redni broj 6., u kojem se navodi da kula treba da bude opremljena sa dvije kule sa krovom, dok je iz kataloga vidljivo da je ponuđač ponudio konstrukciju sa jednom kulom.

Iz naprijed navedenih razloga, ponude ponuđača FLEX INVEST d.o.o. i BABEL d.o.o. se nisu mogle uzeti u dalje razmatranje.

Općinski načelnik je saglasan sa prijedlogom Komisije za javne nabavke roba, radova i usluga koja je u postupku ocjene provedenog postupka postupila u skladu sa Zakonom o javnim nabavkama, podzakonskim aktima i tenderskom dokumentacijom.

Iz navedenih razloga, primjenom člana 69. stav (2) tačka d) Zakona o javnim nabavkama, odlučeno je kao u dispozitivu ove Odluke.

**Pouka o pravnom lijeku:**

Protiv ove Odluke može se izjaviti žalba, najkasnije u roku od **10 (deset) dana** od dana prijema.

Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi.

Žalba se podnosi u najmanje 3 (tri) primjerka.

Naknada za pokretanje žalbenog postupka plaća se Uredu za razmatranje žalbi, u skladu sa članom 107.

Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH, broj: 08-02-2-8303-1/14 od 09.10.2014. godine.

DOSTAVLJENO:

- FLEX INVEST d.o.o.
- BABEL d.o.o.
- a/a

